

Allannguutissatut siunnersuut

uunga

Uunga siunnersuut: Imigassaq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq

Pingajussaaneerneqarnissaanut Naalakkersuisunit saqqummiunneqartoq.

§ 1-imut

1. § 1-imi nr. 1-itut nutaatut ilanngunneqarpoq:

”1. Inatsimmi tamarmi ”03.00” ima allanngortinneqassaaq: ”04.00”.”

§ 1, nr. 1-9, tamatuma kingorna tassaalerput 2-10.

2. § 1, nr. 2-p, nr. 3-ngortup, kingorna normutut nutaatut ilanngunneqarpoq:

”01. § 26, imm. 1-imi nr. 3-p kingorna nutaatut ilanngunneqassaaq nr. 4:

”4) Unnuakkut ullut freerfiusussat nallilerneranni nal. 12.00-imit 04.00-imut. Freerfiusussat ima paasineqassapput ullut nalliuttut, tak. § 2, imm. 7.””

Siunnersuummut nassuiaatit

Nalinginnaasumik nassuiaatit

Aalajangiiffigisassatut siunnersuutit sisamat 2018-imi ukiakkut ataatsimiinnermi Inatsisartunit akuersissutigineqartut tunngavigalugit imigassaq pillugu Inatsisartut inatsisaata allanngortinneqarnissaanik siunnersuut 2019-imi upernaakkut ataatsimiinnermi Naalakkersuisunit saqqummiunneqarpoq. Imigassamik sassaalliisarnermut piffissap ammasarfiup sivitsorneqarnissaa pillugu siunnersuummik UPA2019/57-imi saqqummiussisoqarpoq, taamaalilluni § 26 naapertorlugu tallimangornerup arfininngornerullu kingorna unnuami kiisalu ullut freerfiusussat nallilerneranni ullaassakkut 04.00-p tungaanut imigassamik sassaalliisinnaalertoqassalluni.

Aalajangersakkanut ataasiakkaanut nassuiaatit

Nr. 1-imut

Imigassanik aalakoornartortalinnik piffissaq sassaalliisarfiusoq ima sivitsorneqassaaq tallimangornermi arfininngornermilu nal. 12.00-imit 04.00-imut sassaalliisoqarsinnaalerluni. Taamaalilluni piffissaq imigassanik aalakoornartortalinnik sassaalliisarfik sivitsorneqassaaq, tassa sassaalliinissamut maanna killissaritinneqarmat nal. 03.00. Sivitsuinikkut innuttaasut imigassanik aalakoornartortalinnik sassaalliisarfinni imersinnaanerit sivitsorneqassaaq.

Ataasiaannartumik atuuttussamik akuersissuteqarnermi nal. 12.00-24.00-ip akornanni sassaalliisinnaaneq atuutiinnassaaq. Taamaakkaluartoq allannguutissatut siunnersuutip nassatarisaanik kommunalbestyrelsip immikkut akuersissuteqarnissamut periarfissaa tallimannngornerni, arfininngornerni ullullu freerfiusussat nallilerneranni nal. 03.00-imit nal. 04.00-imut sivitsorneqarpoq.

Tamatuma saniatigut ukiutoqqami aammalu juullip ulluisa aappaanni nal. 04.00-ip tungaanut imigassanik aalakoornartortalinnik sassaalliisoqarsinnaassaaq.

Allannguutissatut siunnersuut malillugu sassaalliisarfinni imigassanik aalakoornartortalinnik qaqugukkut sassaalliisoqarsinnaaneranut piffissat kisimik allanngortinneqarput, tamatumani immikkut akuersissuteqartoqarpat piumasaaqatit pineqarnatik.

Siunnersuutip matuma paasineqarnissaanut paatsoortoqaqqunagu § 26, imm. 6 maluginiaqquneqarpoq, taanna atuutiinnassamat. Sassaalliisarfik piffissap sassaallerfiusinnaasup uninnissaa sioqqullugu akunneq ataaseq tikillugu ammatinneqarsinnaapput, taamaalilluni assersuutigalugu tallimannngornerni arfininngornermilu nal. 05.00-ip tungaanut ammasoqarsinnaammat sassaalliineq nal. 04.00 unittussamat. Imm. 6 annertunerusumik paasisaqarfigerusukkaanni immikkut nassuiaatit innersuussutigineqarput.

Nr. 2-mut

Sassaalliisinnaanermut piffissap nal. 04.00-imut sivitsorneqarnera tallimannngornernut arfininngornernullu taamaallaat atuutinnigilaq, aammali ullut freerfiusussat nallilerneranni atuulluni. Aalajangiiffigisassatut siunnersuummi ”nalliuttut ulluinnartigoortut ” atornagit ”ullut freerfiusussat” atorneqarput. Aningaasaliissutit inatsilerinikkullu isiginiagassat aallaavigalugit ulloq freerfiusussaq qanoq paasineqassanersoq nassuiaassallugu naapertuuttutut isigineqarpoq. Inatsimmi atuuttumi oqariaaseq nalliuttut imigassaq pillugu Inatsisartut inatsisaanni nr. 35, 23. november 2017-imeersumi § 2, imm. 7-imi nassuiaatigineqartut atorneqareerpoq, taamaalillunilu oqariaaseq tamanna aalajangersakkap ilusilersorneqarnerani atorneqarluni.